

کتاب طبر

اون بش کونده بر نشر اولنور دینی، علمی مجموعه اسلامیہ در

صاحب و مدیر مسئولی

ابو العلا زین العابدین

تاریخ تاسیسی

۱۳۳۰

عدد: ۱۰ ۱۴ شوال سنه ۱۳۳۰ پنجشنبه ۱۳ ایلول ۱۳۲۸ برنجی جلد

حقوق

امتحان حاضر لقلری

۷

مقرر نهرتیه اراضی مملواری

— مابعد —

بیت المالی تحتیل ایرندر :

بیت المال ، رقبه سنه مالک بولندینی اراضیدن عقد تفویضه توسیل صورتیله استفاده ایتکده و معنای ایجاری تضمن ایدن تفویضک انمقاندده ایسه عانیدنه احتیاج درکار اولوب موجر دیمک اولان بیت المالک شخص معنوی بولنسی حسبیه عقوداقی اجرا ابله اکا تفرع ایدن حقوقی تعقیبده مملله احتیاجی کورلیکده اولسندن طولایی عاقدلک وظیفه سی حکومت عثمانیه ده صره سیله صنوف آتییه به ایفا ایتدیرلشد :

۱ — اصحاب تیمار وزعامت که ۱۲۵۵ تاریخنه قدر دوام ایدر. عسکری بر دولت اولان حکومت سنیه بیت المالدده طولایانان اراضی دن عسکرلکه نافع فائده تأمین ایتک و بعدالفتح امام ایچون ثابت تحیرلکدن اساساً فتح طولایسیله حق لری تعلق ایدن غانیمته توزیع شقنک اختیار ایدلامسندن منبعت تأثراتی تعدیل ایلک مقصدیله افراد ناسه تفویض اولنه حق اراضی نك منافع میریه سی جهت عسکریه به براقش وشویله بر اصول [*] وضع ایتشد : فتحی متعاقب اراضی تحیرر اولنه حق . هر قضائک منافع میریه سی ، نفوسی ، قاج خانه دن عبارت اولدینی ، اراضی متروکه سی ثبت وقید ایدیله جک و اراضی سائره خاص ، تیمار ، زعامت اوله رقی آیریله جقدر . منافع میریه نك کیمتته کوره اوچ بیک اچیه دن یکرمی بیک اچیه قدری تیمار یکرمی بیکدن یوز بیکه قدر اولانی زعامت یوز

[*] شو اصولده باشلوجه سکنز صورتله استفاده اولندی :

۱ — اراضی نك رقبه سی بیت المالدده قالدی . ۲ — حکومتک اراضی بی رأساً اداره سی شکلنده کی محاذیر معلومه برطرف اولدی . ۳ — عهدده افرادده جسم اراضی بولنسنک وبالنتیجه دره بکلکله اوکی آاندی . ۴ — هر فرد عثمانی نك آز چوق بر صاحی اوله بیلدسنه یول آچلدی . ۵ — بیت المال ایچون محافظه صورتیله طولایانان اراضی بی دولنک عسکرلک کبی اک مهم مصرفی تسویه به حصر امکافی الده ایدلدی . ۶ — اهمیتلی بر قوه عسکریه وجوده کلدی . ۷ — اراضی قیداً کسب مضبوطیت ایتدی . ۸ — غانیمته عدم توزییدن حصوله کلان تأثراتی تعدیله مدار اولدی .

بیکدن بوقاری اولانی خاص عد اولنده جقدر . تیار : محاربه ده اثبات وجود ایدمك سپاهی به یعنی مسلح سوارى نفره . زعامت مسلح سوارى ضابطه خاص : امرا و حکمدار و خاندانه عاقددر . محاربه زمانده تیار صاحب قلیچ تعبیر اولنان و طیفه حریه بی شامل اساس یعنی اوچبیک اچمه ایچون کندیسی بالذات اثبات وجود ایدمك جکندن عهده سنده بولنان تیارك بومقداردن فضله اولسی حالده بئر اوچبیک اچمه ایچون برابرنده مسلح برسوارى نفر کثیره جك، خاص وزعامت صاحبلى ده کندیلر بی داخل حساب ایتمکسزین هریش بیک اچمه ایچون برمسلیح سوارى نفرى استصاحب ایدمك جکندر . [۰]

حاصلاتک ترقیسی احتمالی نظره آلنهرق هر یوز سنده برنحریر عموی اجراسی تقرر ایتش ایدمده سلیم ثانی حضرتلرینک زمانده کمال اولنان تحریر نائیدن صکره بردها یازلامش و «یازی» ده یعنی حاصلات مقبده ده ترابد و تنزل مشهور و متحقق ایکن براتلر تصحیح اولنمادش . بوقضیلادن آکلاشیلور که برقریه اراضیسی تصرف سندایله اهالی دن برچوق کیمسه لرك عهده تصرفنده بولندیقی حالده او قریه نك بوتون اراضیسی اوززنده بولان ویت الماله عاقد اولان منافع میریه برسیاهی نك تیاری ویا بر زعیمك زعامتی ویا بر میرلوانك خاصی اولور . تعبیر دیکرله بونلر شوقدر اچمه نك ارضك متصرفی دکل شو قدر اچمه عشرک . منافع میریه نك صاحبی عد اولنور . [۰*]

[۰] اراضی میریه منافع نك شو صورتله تقسیبی اردویه ایکی یوز بیک سوارى تأمین ایتشددر . روم ایلده اون ایکی بیک اناطولیده یدی بیک قلیچ بولندیقی بادیتر ثابتدر . اچمه او زمانك حسابیه برغر وشددر . شیخوخت حالده ترقی - یعنی قلیچدن فضله نائل اولدیقی ضم که حصه دینور - کندیسنه بر اقباله ورق قلیچ استرداد اولنور . وفات حالده ده بافلور : یتشمش حرب وضریه قادر ارکاک اولادی وارسه ویا صغیر اولوبده اهلیت خدمت اکتسابیه قدر شخصی بریدل تعهد اولوبورسه اولاده توجیه اولنور . یوقسه ویا اولوبده تعهد مشروخده بولنلبورسه اصولاً مقید ملازمه ویریلور . تیار : صاحب لریته تودیع اولنان و طیفه اعتبارله (۳) نوع ایدی : ۱ - اشکینجی تیاری که بوکا صاحب اولانلر الای بکیلرینک بایراخی آلنده سفیره کیدرلر ذاتاً اشکین : اشن ، قوشان ، جابوق یورویشلی معنسانده در ۲ - مستحقظ تیاری محاربه زمانده منسوب اولدقلری قلعه لری محافظه ایدرلر ۳ - خدمه تیاری سرحداته کی جوامعه امامت وخطابته بولنورلر . واقعا بونلر عسکر دکلدر فقط سرحداته بولنلق طولایسیله نوعاً برتعلق عسکری وارددر خدمه تیارینه سرای هایون خدمتنده بولنانلرده نائل اولوردی .

[۰*] بعضی اثرلرده خلافت ملایس ویریلان معلومات بواصولک ماهیتنه حقیقه نفوذ ایدیه مامکدن ایلری کلش براتر ذهلدر . دولتیجه اول و اخر اراضی نك حقوق تصرفیه سندن افراد تبعه نك طوغریدن طوغری به استفاده ایتسی ، هرکک آز جوق اراضی متصرفی اولماسی التزام اولنشددر . نه کیم قدیم اراضی قانونی ده قریه نك بتون اراضیسی برآدمک ابتداء نقوض ایتسی تجویز ایتز . غریبه و قبیله حقوق تصرفیه اراضی ایچون دهشتی آفت اولقی اوزره تلقی اولنان واختلال و انقلابلرک الک مهم عامللری میانده داخل اولان Féodalité فئودالیت بلیه سندن له الحمد ممالک اسلامییه مصون قالشددر . احکام جلیله شرعیه نك مرعی بولندیقی محیطده ظلم اساسنه مستند تصرفات تأسیس ایدمده . بشقه مملکتلرده رأساً اهالی طرفندن وجوده کتیریلان بیوک انقلابلر بزرده تصادف اولنماسی خلقک تصرف اراضیه کی امنیتلرینک درجه سنی تعیننه ابی بر مقیاس اولور . [

بیت‌المالی تمثیل ایدن اصحاب تیار وزعامت ؛ وقت حضردہ سنجاقلرنده توطنه مجبور اولدولرندن صاحب ارض صفتیله درعهده ایلدکلری وظیفه‌نک امر ابقاسنده خلق ایچون مشکلات حدوتی متصور دکلسمده وقت سفرده سنجاقلرندن اوزاق دوشه جکلرندن مصالح تصرفیه‌نک نه صورثله تدبیر اولنجه‌نی سؤالی وارد خاطر اولور . قانون قدیم بومحدوری . منافی جبات واموری تمشیت ایچون ایچلرندن قوروجی نامیله اونده برینک سنجاقده قالمسته مساعده صورتیله برطرف ائمشدر . [*] سکره لری خسرو پاشانک احداث ایلدیکی بدعت سیئه نتیجه‌سی اوله‌رق رشوتلرله موهم اسلمله وبرین تیارلر ، زعامتلر افرادک حقوق تصرفیه‌سندہ تصویر ایدیله‌من درجه‌لرده قارغشه‌فلر حصوله کتیرمش ، هله انما معرفتیه تشبیر اولنه کلان خاص وزعامتلی رسم پاشانک التزام بدعتی جبقارمسی اوزربنه صاحب‌لری قدر آتیا محصولک تکرثرنده علاقه‌دار اولیسان ، التزام ایلدیکی سنه‌ده فضله واردات آلمندن بشقه برشی دوشونمیان ملتزمک جباتی پوزندن اهالی پک زیاده اورسه‌لنمشدر .

منافع میریه‌سی وقفه تخصیص اولنانلرده عثلاک وظیفه‌سی متولیلر جابندن ایفا اولنمشدر .

۲ — قسماً اصحاب تیار وزعامتله ملتزمین که ۱۲۶۳ تاریخنه قدر دوام ایدر .

۳ — ملتزمین ومحصلین که ۱۲۷۴ تاریخنه قدر دوام ایدر . [محصل مأمورد . ملتزم ؛ دکلدر ، خزینہ به مقطوعاً یاره وبریر ، جبات ایتدیلر شی کندیسنک اولور .]

۴ — مال مأمورلری که طابو اصولنک تأسسنه یعنی ۱۲۹۰ تاریخنه قدر دوام ایدر .

۵ — طابو مأمورلری که الآن تمثیل ایدیورلر . ولایتلرده ، الویه‌ده : دفترخاقانی مأمورلری قضالرده : طابو کاتب‌لری اولیان برلرده مال مأمورلری وظیفه‌نی ایفا ایدر .

اراضی امیر متصرف‌لری :

۱ — مانع قانونیسی بولقیان افراد . اشخاص معنویه‌نک . مثلاً قریه اهالیسی هیئت مجموعه‌سینک دفعاً لاتراع . ارض میری‌نی تصرفی تجویز اولنماششد . [**] بناءً علیه متصرف ، انجق افراد اوله‌بیلور . شوقدر که قانونده متصرف اوله‌میه‌نی برحال وار : قریه‌نک بتون اراضیسی تفویض اولنجه‌نی ایسه برایکی آدم هیئتی آله‌من . ایشته شو عدم مساعده افرادک جواز تصرفنده براستنادر که خاقی وقایه اساسنه معطوفدر . زیرا قریه‌ده‌کی اهالی متباقیه اراضیدن استفاده ایچون استیجار مجبوریننده قالیر . صحت اجاره‌ده ایسه تراضی ازانیر . شوالله موجب امتناعی ویا فاحش اجرت طلبی محدورینه میدان ویرلش اولور . بوندنده مستأجر اولان طرفک متضرر اولسی وطولایسیله

[*] حدودده قیشلامق لازم کلیرسه هر سنجاق سپاه‌لری ارازلنده بشر اوتر آدم انتخاب ایدر ، خرچله‌نی نامیله سنجاقلرینه کوندیرر ، طولانان منافی آلدیرورلردی . آله‌کدکلری منافع میریه دائمی معاش وتعیین حکمنده بولندیمندن کندیلرینه ابرجه انشای سفرده برشی ویرلز . وبالنتیجه دفع ضرورتلری ایچون اردوجه نفوس ضایعاتی دیک اولان شو صورثه توسل ایتلرینه یعنی آدم کوندیرلرینه اغراض عین اولنوردی .]

[**] اموال غیر منقوله قانونی لایحه‌سی شرکترلر ، جماعتلر ، جمعیتلر ، بلدیهلر کی اشخاص معنویه‌نک اراضی تصرفنه جواز کوستریبور .

منافع میرهنگ ضیاعه اوغرامسی محتملدر . معافیله بواسطنتانكده ایکی مستثناسی وار : ۱ — بقاء برادرك عهدسندده قریهنگ بتون اراضیسی اجتماع ایده بیلور . یعنی ابتداء ارانان شی بقاء ارناخاز مثلا برکیمسه تفرغ وقفوض ایده ایده بر قریهنگ بتون اراضیسی عهدسندده جمع ایده بیلور زیرا بقاء جمعک عدم جوازینی کوستربر ممنوعیت قانونیه یوقدر . بتون قریه اراضیسنك نهاییالاص برشخصده اجتماعی ایسه متصوردر . ابتداء تجویز اولنیان شی شو صورته بقاء تجویز ایدلش اولیور . ۲ — قریه اهالیسی طاغیلیر ، برلری مستحق طاپو اولور ، تکرار قریه اولهرق اعادهسی غیر قابل کوریلورسه چفتلك صورتيله برقاچ کیمسه یه تقویض اولنه بیلور . متصرفلرده طبیعی طاپو سندی وبریلور . [اهالی طاغیلوب ارض تعطيله اوغرادقدن صکره ایلک یاپيله جق شی مجدداً ارباب زراعت کتیروب اسکان ایتك وعهدلهینه آیری آیری اراضی تقویض ایلکدر . بوصورته هیئت اصلیه ارجاع ممکن اوله ماز ایسه چفتلك یاپیلور . چفتلك ایکی معناده قوللا بیلور . معنای قانونیسی : هرسنه زراعت اولنور ، حاصلات وبربر ایکی اوکوزك بر جفت دیگدرکه اعلا پردن ۷۰ ، ۸۰ دوم اوسطدن ۱۰۰ اذنادن ۱۳۰ دوم قدر اراضی در — پردوندن ناقص اولانه قطعه دینور — معنای معروفی : برطاقم اراضی زراعت وحرثت ضمنتده انشا وتمدرك اولنیش اینیه ، حیوانات ، تخم ، ادوات ، چفت ، مشتملات سائرملك وزراعت اولنه جق یرك مجموعی . آتیده کی تلخیصلردن استنباط اوله جق وجهله چفتلك صاحبك وفاتنده حق انتقاله نائل اولیان وارث ، شرعاً توارث ایتدیکی ملك اقسامه تبعاً زراعت اولنان شو اراضی ده حق طاپو صاحبیدر . دقت اولنسون که بوصلاحیتی او ارضده مستقر ملك بنا وشجر دکل ، معنای تبعیت بخش ایدیور . زیرا بالتبعیه زراعت اولنان ارض ، اینیه واشجارك اشغال ایلدیکی محل دکلدر . چفتلك ملك اقسامی وارث شرعییه وبالتبعیه زراعت اولنان اقسامی حق انتقاله نائل وارثه کچر . ملك اقسامی توارث ایدن ، بالتبعیه زراعت اولنان قسملری طاپوی مثل ایلله المقدن استنکاف ایدرسه میری یالکیز بو قسم اراضی میزایدیه قور ، ملك اقسامه طوقونه من]

۲ . — وقفلر . زیرا وقف کبی جهات خبریه ده اراضی امیرهنگ حقوق تصرفیه سنی تقوض ایده بیلور . اراضی امیره مؤقفونك نوعلرینی تعداد ایدرکن ایکنجی واوچنجی نوع اولق اوزره کوستریلان اراضیده حقوق تصرفیهنگ نهایت برشخص معنوی دیك اولان وقفه عائد اولدیغنی کوریبوروز . فقط حکم اصلی اشخاص معنویهنگ اراضی میریه تصرفندن ممنوعیتی اولسی حسبيله برشخص معنوی اولان وقف نامنه نشانه تصرف عدولنان طاپو سندی وبرلماش ، براتسلطانی ، فرمان عالی ، قیود دفترخاقانی ایلله متولی ویا مشروط لپی طرفندن تصرف اولنهرق فراغ ، انتقال تعطیل ، انحلال کبی اراضی امیره احکام مخصوصه منه تابع طوئیلماشدر .

۳ — من القدم حق تصرفنی محافظه ایتش مناسبتلر . زیرا قدیماً بر مناستره مربوطینی دفترخانهجه مقید اولان اراضی برشخص معنوی دیك اولان مناسترلر تصرف ایدر ، رهبانی طرفندن زراعت ، حرثت ، رعی ، احتطاب ، آخره ایجار صورته تصرف اولنور . فقط حکم اصلی ایجابجه اشخاص معنویه اراضی میریه تصرفندن ممنوع بولندیغندن نه مناستر ونه رهبان نامنه نشانه تصرف اولان طاپو سندی وبرلز ، نه کم آخره فراغلرینه ده مساعده اولناز . [مربوطیت

حادثه حکم افاده ایتمدیکي جهته قديماً با طاپو تصرف اولنه کلن اراضی بی بو قسمه الحاق صورتيله استفاده تجویز اولتامشد .]

۴ . — زمانزده دواثر رسمیه ایله بلدییه اداره لری . اشخاص حکمیه دن بولندقلری حالده اراضی میریه تقوض ایدیورلر وحقی دائره نامنه تصرف سندى آلپورلر . [*] فقط شبهه سزکه بوحال علی خلاف القیاس تجویز اولتمشد . سائرہ مقیس علیہ اولمالیدر .

اراضی میریه اقسام ساروده مرار تمیز اوده عمومیت : نصف مندربر .

اقسام متباقیه ده بویه برنشانه نك لزوم موجودیتنه مصادف اولمز . [*] مع مافیه اراضی امیریه ده ده سندك ماهیت حقوقیه سی اشارت اولندی بی وجهله نهایت بر نشانه تصرف اولندن عبارتدر . یوقسه اثبات مدعا به مدار ، پنه منبتی حاضر دکلدر . مجله نك حجج خطیه دن اولقی اوزره تعداد وتزویردن امین دیه توصیف ایلدیکي (قیود دفترخاقانی) به نه طاپو سنداتی ونه معطوف علیی اولان قیود داخل اوله من . زیرا مجله ده کی قیود دن مقصد : موثوق ومؤمن ذوات محترمه معرفتیه ۹۵۵ تاریخنده تحریرنه باشلاتدیریلوب ۱۰۱۰ تاریخنده اكمال ایدیلان و ۹۷۵ دفتره بالغ اولان دفاتر جدیده نامنده کی قیود خاقانیه درکه الیوم بربری ایچنده درت قابولی برغزنده محفوظدر . [***]

اراضی میریه نك اسباب نصرفی :

- ۱ — میریدن تقوض . پت المالی تمثیل ایدن مأمورله تعریفات قانونیه به توفیقاً وقوعبولان عقدکه مملوکه ده کی شرمانترله سنده در . محمولات مبحثنده تفصیلات وارددر .
- ۲ — آخردن تفرغ . ایکی شخص آره سنده کی عقدکه بیه شرمانترله سنده در . تصرفات قولیه میاننده ایضاح اولان فراغ مبحثنده تفصیلات وارددر .

[*] عموم مبانی امیریه سندات خاقانیه سنك مالیه خزینیه سی نامنه تنظیميله خزینیه ده حفظی حقنده اخیراً اراده سنیه صادر اولمشدر . ۲۷ جاذی الاخر سنه ۱۳۳۰ و ۳۱ مایس سنه ۱۳۲۸ تاریخنده جریده رسمیه ایله اعلان اولان اشبو اراده سنیه بروجیه آتیدر :

• عموم مبانی امیریه سندات خاقانیه سنك مالیه خزینیه سی نامنه تنظیمی وسنداتك خزینیه ده حفظی مالیه نظارتك اشعاری ایله تحقق ایدن لزوم اوزرینه تنسیب قلممشدر . اشبو اراده سنیه نك اجراسنه مالیه نظارتی مأمورددر . ۲۴ جاذی الاولی سنه ۱۳۳۰ و ۲۸ نیسان سنه ۱۳۲۸

مالیه ناظری : ناثل صدراعظم : سعید محمد رشاد

[**] فقط قوانین ومقررات اخیریه کوره علی الاطلاق سندسز اراضی مدعیاتك نظره آلتامسی ایجاب ایدر .

[***] قیدلرك تصحیحنه لزوم کوریلدیکی زمان صورت تصحیحی تضمن ایدن فرمان هایون اوزرینه دفترخانه امنی وکیسه دار افندی حاضر اولدقلری حالده توقیی افندیك خط دستيله فرمانك خلاصه سی قیدك بالاسنه تحریر وصورتی محل قیده ربط ایدیلدرک اصل فرمانك ابروجه حفظی اصولدن ایدی . اشبو دفاترک بالاسی خط وطفرای هایون ایله موشددر .

۳ — موردن انتقال . مملوکه‌ده کی اسباب تملکدن ارت منزله‌سندده در . تفصیلات لازمه مبحث مخصوص‌سندده در .

۴ — احیا . مملوکه‌ده کی اسباب تملکدن مباحاتی احراز واستیلا منزله‌سندده در ، تفصیلاتی اراضینک دردنجی قسمی دیه ایضاح اولئان موات بمجنده در .

۵ — حق قرار . اون سنه مدت قیود قانونیه وجهله ارض میریده بلا نزاع تصرفله حاصل اولورکه اراضی میریده خاصدر ، مملوکه‌ده مقابلی یوقدر . زیرا مملوکه‌ده ترک ، ملکیتی ازاله ایده من [۱] ایکن ارض میریده ترک - تعطیل ، انحلالی ایجاب ایتسه کوره - ازاله تصرفله مؤثردر . قانوناً ارائیلان قیود : (۱) مرور مدت . که اون سنه‌دن عبارتدر . فارغ ابله مفروغ لهک ومنتقل ابله منتقل الیهک زمانلرنده یکچن مدتلر بربرینه ضم اولنور . (۲) بوجتهک اصولاً نبوتی . زیرا قول مجرد کافی دکلددر . مرور مدت اقرار ویا اسباب نبوتیه سائرله ابله اثبات اولنلیدر [۲] (۳) محاکمه‌سز کذرانی . زیرا بومدت حضور حاکمه اثنای مسرافه‌ده بکرایسه حق قرارثابت اولماز . نتیکه حضور حاکمه اولیان دعوی ونزاعه‌ده اعتبار اولتماز . (۴) فقدان اعذارکه اعذار شونلردر : ۱ - مدعی [۳] ایچون معتبر اولان (صفر ، جنون ، عته) ۲ - بالکنز مدعی علیه ایچون معتبر اولان (تغلب) ۳ — هر ایکسی ایچون معتبر اولان (مدت سفر بعد مسافه) که سیر معتدل — اورته ، یایان یوروش - ابله اوچ کونلک یعنی اون سکرز ساعتهک بعدیت . [۴] یوقانونی عذرلردن [۵] هرهانکیسی موجود ایسه مرور مدت نظره آلتماز زوال عذرذن صکره بومدت بلا عذر یکیرلش ایسه اوبشقه . . .

(۵) تصرف مدعی بهک فضولی اولدیغنی کوستریر اقرارک عدم وجودی . زیرا مدعی علیه اون سنه مدت بلا نزاع تصرف ابلدیکی ارضی حد ذاتنده ضبط صورتیه تصرف ایتدیکنی ویا مستأجر ، مستعیر ، مزارع بولندیغنی اقرار ایدر ، ویا ارضده مستأجر ، مستعیر ، مزارع اولدیغنی مشهور ومتعارف اولوبده بو جهت مدعی اصل طرفندن بالینه اثبات اولنورسه ، وجود

[۱] چونکه نه ملک رقبه ونه ملک منفعت ترک ابله ساقط اولماز . حتی مستأجر ، مستعیر حق انتفاعی اسقاطدن صکره ینه انتفاع ایده بیلور . حق مهابتهک ، هبه‌دن رجوع حقنک قابل اسقاط اولماسیده بو اصله مبتنیدر .

[۲] اون سنه مقدمی کوستریر طایو سندی مدعایی اثبات ایده من .

[۳] مدعی علیهک صفر وجنون وعتهی موضوع بحث ایدیله من . زیرا مدعی نک بویه برحاله ولی ووصی علیهنه اقامه دعوی ایتسی ، ولی ووصیی یوقسه حاکمه وصی تعیین ایتدیبردهک [۴] دعوانسی تعقیب ایلمسی لازمدر .

[۴] برقاچ سنه‌ده برپولیشلمش اولسی عذری برطرف ایده جکندن بوجتهه دقت اولور .

[۵] [حقوق قرابته رعایت ، رتبه وحیثیت ، جهالت ، عذر عد اولنماشددر .]

اقراره [*] یعنی حق قراره توسط قابل اوله من . زیرا خلافی ترویج نقاد زمان ابله حقا سقوطی تجوزدر . برده حتی اعتراف حالنده دعوی قالماز که مسموع اولماسی موضوع بحث ایدیه بیلسون . فقط مدعیدن تفرغی دعوی فضولا تصرفی اقرارمیدر ؟ یعنی ملوکده اولدینی کی اقرار عدله دفعی تضمن ایدن قسمک یعنی تفرغک اثباتی جهت کیدیلورسی ؟ اجاره به طالع اوله ملک ، تضمن ایدیه کی اقراردن طولانی بالاخره وقوعه حق تصرف دعواسی ایچون تناقض تشکیل ایدیه کی قبول ایدیه کیده اولسنه کوره حضور حاکمه مدعیدن تفرغی بیان صورتیه اراضی ملک وقتیه تفرغه طالب اولدینی اعتراف ایدیان دافک وجود اقراره منی حق اقراردن استفاده ایدیه مه رک بالکنز ایکنهی سبب تصرف اولتی اوزره بیان ایدیه کی تفرغ کیفیتی اثبات ایدیه لازم کایر ملاحظه سی یوکون اکثریتله مظهر قبول اولور .

شو اسباب ابله ارضک حقوق تصرفه سی احراز ایدن متصرفک ؛ قائم آن تخصیص بالذکر اولنان تصرفاتی ایکی قسمه آیره بیلورز :

۱ — فعلی که شونلردر :

نوع :

متصرف ارضده قابلیت بولجه مأموردن اذن آلمه لزوم کورمکسزین هریشی اکه بیلور . مسأله عد اولدیفندن منفعتک معلومیتی ثامناً قانون تعیم اساسی قبول ایتشد . زیرا معلومیت تعیین ویا تعیم ابله حاصل اولور . بوراد کی ایجارک حد ذاتده مدلتک مجهولیتی نقطه سندن فسادی طولانیسیله شو ملاحظه زائد کوربه بیلور ایدیه اسباب فسادی تقلیلک برافده اولدینی اونوقاملیدر . برسنه طرفنده مکرراً ذراعته اقتدارده تعیم اساسنه تفرع ایدر . مع مافیه قاعده منک قانونی ووظای بعض مسئلهائی کوربرز . زیرا کرک قانونده وکرک بعض نظامنامه لوده بدیه . محل زوجه تعلق ایدر ممنوعیتلر وارد . محل اعتباریه عموم اولانلر : ۱ — قدیم اوقی بیلیوب عشری آله کلان چابزلر [**] ۲ — اورمان وجسیم قوریلر . ۳ — برنالاق کی چالی واشجار صغیره سی

[*] استیجار ، استعاره ، طلب مزاعده بولنان ؛ ارضک کندرسنه عائد اولمادیغنی اقرار ایتمش اولور . بوجهت بین العلماء متفق علیهدر ، فقط کندرسندن طلب اولنان ذاتک ملکیتی اقرار صاییلورسی ؟ ایشنه اختلاف بوراده در . نمره سی اقرار عد اولنورسه ارتق وکالت ، ولایت ، وصایت صورتیه ده مقر ؛ دعوی ایدیه من . اقرار صاییلمازسه کندرسی ایچون ایدیه من زیرا تناقض اولور . فقط بشقه سی ایچون ایدیه بیلور . زیرا اقرار صاییلماذینی حالد بشقه سی ناسنه دعوی تناقض تشکیل ایتمز . [**] مأمورک اذنیله ذرع اولنه بیلور . فقط اذن ، مصلحت کوزده دله رک ویریلور . یعنی هر ایکی صورتده آنه حق منافع میریه مقایسه اولنور . فائده کوریلورسه اذن جهت کیدیلور . اهل وقوفه تخمین ایتدیره رک موازنه و بالتبیه مصلحت تحقق ایتکسزین ویریلان اذنلر کأن لم یکنند . [چابزلر ترلا حالته افرای شو صورتله جائز ایکن عکسی مساع قانونیه اقرارن ایدیه بیلور ، بلا ذراعتلر اوج سنه ملک کذرانیله حصوله کلان تعطیلدن طولانی ترلا محلول اولور . دقت !]

بولان مشترك برلر كه شريكردن بری ديكرندن اذن آلفمزين آچوب ذرع ابدہ من [*] . تخم اعتباريله ممنوع اولانلر : ۱ - اسرار . خلقی ضرردن وقايہ صورتيله منفعت عامہ ملاحظہ سی كوزہ تيلور . ۲ - نوتون . رژی نظامنامہ سی تقيدانہ تابعدر . ۳ - پرنج . جيات هواي اخلال ايدن چليكلرك كليشی كوزل هر برده تأسيسه مساع كوسترلمديكي جهنله برقيده تابع ديكلدر . بوموعيتلر ، ضرر عامی ايجون ضرر خاصك اختيار اولمنسه نقرع ايدر .

ماردینی زاده : ابراهیم

تصحيح

چين نسخه ده ۲۸۰ نجی صفحه ده . جريب : طولاً و عرضاً الشمس ذراع مرابمدر كه اوچ بيك التي بوژ آرشون ديكلدر . هر آرشون بدی قبضه و هر قبضه درت يارمق در . فدان . مصريليرجه درتيوز قبضه ير در . عبارتہ سنده كي (بيك التي) كلمه لری صفحه نك اوز اوچنجی سطرينك مبدئي تشكيل ايتسی لازم كلير ايكن اون درونجي سطر ك مبدئيه نقل اولنقى صورتيله برسهو ترتيب وقوعه كتيراش اولديغندن بروجہ اشارت تصحیحی ايجاب ايدر .

[*] ذبرا شريكلر يكدیكلرينك حصه سنده وکیل دكل اجنبی عد اولنورلر . آجبلان یرك خسارينه ، ضررينه اشتراك ايتيان شريك قاعده منافع وفوايدندن حصه چين اولور . شريك عامل صرفياتنده متعرب عد اولنور . ذبرا غيره عائد مصرف بلا اسر نسويه ابدہ نك حق رجوعی یوقدر . [مشترك اولبان ارضك بوقبل اشجاردن تطهیری اذن مأموړه توقف اغز . چونكه قوری حالنه افراغ ايجون ارضده یا قابليت بولنور . بوحالده سينين و فیره بکلهمك لازم كلير . ویا بولنماز كه آرتق قوری یا بقی امکافی موضوع بحث اولماز . بناءً عليه تطهير نفع میری به خادم برتدیر اولور . و تولا حالنه افراغدن صكره متصرف ایسترسه ۱ برنالاق سندی ابطال ، مقاطعه العاء ، کندوسنه مجدداً تولا سندی اعطا اولنور .]

مردم مسئول : ابراهیم

محمد ريك مطبعی